

«Төлемдер мен төлем жүйелері туралы» жаңа заң жобасы тұтынушылардың мүдделерін қорғайды – Д.Ақышев

«Төлемдер мен төлем жүйелері туралы» Заң жобасы төлем қызметтерін тұтынушылардың мүдделерін қорғауға бағытталған бірқатар жаңалықтарды ұсынады. Бұл туралы Қазақстан Республикасы Ұлттық Банкінің Төрағасы Данияр Ақышев ҚР Парламенті Мәжілісінің пленарлық отырысында сөйлеген сөзінде атап өтті, отырыс барысында «Төлемдер мен төлем жүйелері туралы» және «Қазақстан Республикасының кейбір заңнамалық актілеріне төлемдер мен төлем жүйелері мәселелері бойынша өзгерістер мен толықтырулар енгізу туралы» Қазақстан Республикасы Заңдарының жобалары бірінші оқылымда қаралды.

Сол сияқты, Д.Ақышевтың айтуынша, банктердің төлемдерді орындау мерзімдері қысқартылған. Жаңа заң жобасы үшінші тұлғалардың талап етуі бойынша азаматтардың банк шоттарынан жәрдемақыларды және әлеуметтік төлемдерді, тұрғын үй төлемдерін өндіріп алуға шектеуді де енгізеді.

Банктердің төлем қызметтерін көрсету тарифтері айқын бола түседі. «Банктердің клиентті төлем операциясын жасағанға дейін комиссия мөлшерімен таныстыру міндеті, сондай-ақ шарттың талаптарын және тарифтерді ұлғаю жағына қарай біржақты тәртіппен өзгертуге тыйым салу енгізіледі», - деп хабарлады Д. Ақышев.

Бұдан басқа, оның айтуынша, заң жобасы Ұлттық Банктің құзыретін айқындайды, төлем жүйелерін және төлем қызметтерін жеткізушілерді мемлекеттік бақылау негіздерін бекітеді.

«Төлемдер мен төлем жүйелері туралы» Заңның қабылдануымен төлемдерді жүзеге асыру тәсілдері айтарлықтай кеңейеді – ҚР Ұлттық Банкі

Төлемдер мен ақша аударымдарын жүзеге асыру тәртібінің «Төлемдер мен төлем жүйелері туралы» заң жобасының шеңберінде қалай айқындалатындығы туралы ҚР Ұлттық Банкінің Төрағасы Данияр Ақышев ҚР Парламенті Мәжілісінің пленарлық отырысында айтып берді.

«Бұл осы заң жобасы бағыттарының бірі, - деді Д. Ақышев. - Бұл бөлікте төлемдер мен ақша аударымдарын жүзеге асырудың құралдары, тәсілдері мен негізгі рәсімдері айқындалған. Бұл ретте заң жобасында банк процестерін жақсартатын (акцепт рәсімі алып тасталды, мемлекеттік органдармен электрондық өзара

әрекет ету көзделген) және төлемдерді жүзеге асыру тәсілдерін (тікелей дебет, электрондық төлем құралы, тұрақты төлемдерге арналған өкім) кеңейтетін құқықтық нормалар көзделген».

Жалпы алғанда, Ұлттық Банк басшысының айтуынша, «Төлемдер мен төлем жүйелері туралы» заң жобасының ережелері, бір жағынан, төлем қызметтерінің нарығын дамытуға, екінші жағынан төлем қызметтерін тұтынушылардың, қоғам мен мемлекеттің құқықтары мен мүдделерін қорғауды қамтамасыз етуге мүмкіндік береді.

«Заң жобасының ережелері Ұлттық кәсіпкерлер палатасымен, Қазақстан қаржыгерлерінің қауымдастығымен, Төлем нарығына банктік емес қатысушылардың салалық қауымдастықтарымен және мүдделі мемлекеттік органдармен келісілген болатын», - деп сөзін түйіндеді Д.Ақышев.

Пленарлық отырыста «Төлемдер мен төлем жүйелері туралы» және «Қазақстан Республикасының кейбір заңнамалық актілеріне төлемдер мен төлем жүйелері туралы өзгерістер мен толықтырулар енгізу туралы» Қазақстан Республикасының Заң жобалары бірінші оқылымда қаралғанын атап өтеміз.

«Төлемдер мен төлем жүйелері туралы» заң жобасы төлем нарығының ашықтығын арттырады – Д.Ақышев

«Төлемдер мен төлем жүйелері туралы» заң жобасын қабылдау мемлекеттік бюджеттен қосымша қаржы шығындарын талап етпейді. Бұл жөнінде Қазақстан Ұлттық Банкінің Төрағасы Данияр Ақышев ҚР Парламенті Мәжілісінің пленарлық отырысында айтты, отырыс барысында «Төлемдер мен төлем жүйелері туралы» және «Қазақстан Республикасының кейбір заңнамалық актілеріне төлемдер және төлем жүйелері мәселелері бойынша өзгерістер мен толықтырулар енгізу туралы» Қазақстан Республикасы Заңдарының жобалары бірінші оқылымда қаралды.

Оның айтуынша, заң жобасын қабылдау төлем нарығының ашықтығын айтарлықтай арттыруға, жаңа ойыншылардың қызметін реттеуді енгізуге, төлем процесін оңтайландыруға және түпкілікті тұтынушылардың құқықтарын қорғауды қамтамасыз етуге мүмкіндік береді.

Мысалы, төлем қызметтерін тұтынушыларға қолайлы болу үшін аталған заң жобасы қабылданған соң банктердің төлемдерді орындау мерзімдері қысқаратын болады. Жаңалықтар банктердің төлем қызметтерін көрсетуі бойынша тарифтік саясатына да қатысты болмақ. Мәселен, банктердің клиентті төлем операциясын жасағанға дейін комиссия мөлшерімен таныстыру міндеті, сондай-ақ шарттың талаптары мен тарифтерін

ұлғаю жағына қарай біржақты тәртіппен өзгертуіне тыйым салу енгізіледі. «Жаңа заң жобасы үшінші тұлғалардың талаптары бойынша азаматтардың банк шоттарынан жәрдемақылар мен әлеуметтік төлемдерді, тұрғын үй төлемдерін өндіріп алуға шектеуді де енгізеді», - деп хабарлады Д. Ақышев.